

Имомлари иттифоқ қилган ҳадислар / Олти саҳиҳ имомлари иттифоқ қилган ҳадислар / 116-ҳадис

116 - عَنْ ابْنِ عُمَرَ، قَالَ: صَلَّيْتُ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ قَبْلَ الظُّهْرِ سَجْدَتَيْنِ، وَبَعْدَهَا سَجْدَتَيْنِ، وَبَعْدَ الْمَغْرِبِ سَجْدَتَيْنِ، وَبَعْدَ الْعِشَاءِ سَجْدَتَيْنِ، وَبَعْدَ الْجُمُعَةِ سَجْدَتَيْنِ، فَأَمَّا الْمَغْرِبُ وَالْعِشَاءُ وَالْجُمُعَةُ فَصَلَّيْتُ مَعَ النَّبِيِّ صَلَّى اللَّهُ عَلَيْهِ وَسَلَّمَ فِي بَيْتِهِ.

[خ 937، م 729، ت 425، س 873، د 1127، ج 1130].

Ибн Умар розияллоху анҳумодан ривоят қилинади:

«Расулуллоҳ соллаллоху алайҳи васаллам билан пешиндан олдин икки рақъат, ундан кейин икки рақъат, шомдан кейин икки рақъат, хуфтондан кейин икки рақъат, жумадан кейин икки рақъат намоз ўқидим. Шом, хуфтон ва жумага келсак, (уларнинг суннатларини) Набий соллаллоху алайҳи васаллам билан бирга уйларида ўқидим».

Имом Бухорий, Муслим, Термизий, Насай, Абу Довуд ва Ибн Можса ривоят қилишган.

Изоҳ: Ҳанафий мазҳаби уламолари мазкур ўн икки рақъат равотиб суннат намозлар борасида имом Термизий ривоят қилган қуйидаги ҳадисга таянганлар: «Умму Ҳабиба розияллоху анҳодан ривоят қилинади: «Расулуллоҳ соллаллоху алайҳи васаллам шундай дедилар: **«Ким бир кеча-кундузда ўн икки рақъат намоз ўқиса, жаннатда унга бир уй қурилади: пешиндан олдин тўрт рақъат ва ундан кейин икки рақъат, шомдан кейин икки рақъат, хуфтондан кейин икки рақъат ва бомдоддан олдин икки рақъат».**

Манба: hadis.islom.uz



HADIS.ISLOM.UZ
NUBUVVAT MARVARIDLARI